

四庫全書

史部

欽定四庫全書

史部

福建通志卷二

詳校官監察御史臣陳化龍

檢討臣德生覆勘

總校官檢討臣何思鈞

校對官主事臣陳文樞

謄錄監生臣朱堦

欽定四庫全書

福建通志卷一

星野

天與地精氣相應故在天為分星在地為分野是亦理之可信者也或謂州郡錯互則地與地不相合躔次參差則地與天不相合既不相合矣而分野占驗自古不爽豈無所據而然歟夫仁人君子之事天也無時不當警無處不當警者也傳曰天

道遠人道通必謂某事徵某應則劉向五行傳之
諺也我

皇上齋祓深宮休徵叠見百爾君子共天位治天職食
天祿者亦惟各敬爾身以無負

聖天子敬天勤民之意而已至於望雲省氣推驗祥妖
則司天者之事也今取閩星紀旁證諸家以備參
考作星野志

福建分野

禹貢揚州之域周官保章氏辨九州之分野以吳越屬星紀閩自漢初始隸職方後之疏星野者大都指禹貢維揚而以星紀之次屬之為會稽域內云按星紀為牽牛斗婺女三星而宋武安志載鄭宗彊星經云周天之數每星一度轄地一千四百六里有奇閩在會稽東南距揚州三千里已在分度一千四百六里之外計自揚州而南終斗歷牛至女凡前史所載

史記天官書前漢天文志皆云屬牽牛婺女之分後漢郡國志云自斗十一度至婺女七度一名須女曰

星紀之次於辰在丑謂之赤奮若於律為黃鍾斗建
在子為吳越分野晉天文志云自南斗十二度至須
女七度為星紀吳越分野屬揚州隋志亦以為屬斗
牛須女之分唐天文志云東南負海為星紀負海者
以其雲漢之陰也又云南斗牽牛星紀也初南斗九
度餘千四十二秒十二太中南斗二十四度終女四
度為星紀之分古吳越及東南百越之國南斗當雲
漢下流當淮海間為吳分牽牛去南河寔遠自豫章
迄會稽踰嶺微為越分宋史天文志天市垣二十四
星東西蕩各列十一星其東垣南第六星曰吳越亦
為星紀之次元史志亦云起斗四度三十六分六
十六秒外入吳越分為星紀之次明天文志分野以
福建郡縣並屬斗牛之分大明
一統志又以為屬牛女之分

以及劉向蔡邕皇甫

謚所謂統在斗牛女中者

劉向謂屬斗牛女三星之
分蔡邕謂起斗六度至須

女二度皇甫謐謂起
斗一度至女七度

俱為未得其詳也春秋元苞經

云牽牛流為揚州分為越國范史後漢志曰牽牛主

吳唐僧一行以為天下山河之象存乎兩戒北戒自

三危至朝鮮是謂北紀為胡門南戒自岷嶓至東甌

閩中是謂南紀為越門張守節又以牛女不專屬閩

越據此則魏陳卓所云會稽入牛一度

陳卓云吳越州郡九江入

斗一度廬江入斗六度豫章入斗十度丹陽入斗十
六度泗水入女一度臨淮入女四度六安入女六度

廣陵入牛八度
會稽入牛一度
似可類推蓋牽牛跨浙粵閩三省閩

九郡西屆樵川西北盡柘浦東抵長溪而清漳襟帶
嶺南距會稽不上數百里實在周天分度數一千四
百六里之內即謂九閩咸隸會稽牛一度也固宜或
又以閩越在南而星紀屬北疑於相配之義未協考
左傳昭公三十二年晉史墨以得歲卜越范史亦以
廣陵王荆之變及盜起句章鄞鄭為證是星紀在北
而指於南或閩越亦從其所指歟至於臺灣遠隔重
洋舊屬荒島我

國家威靈遐暢列入版圖分布郡縣分野之屬未有定指然以其地勢考之臺灣西界於漳南鄰於粵而北則與閩安相峙漳分野視閩而粵之分野視漳臺之繡壤相錯其均屬之牛女無疑也僧一行又云星紀當雲漢下流百川歸焉故其分野自南河下窮南紀之曲東南負海為星紀按此則臺郡宅東南分野仍屬牛女又與一行之說相符矣大抵古書久亡堪輿家雖有郡國入度非古數也今其存者十二次分配

九州之分而已至其封域之遠近不齊與度數之參差或爽是在敬天者神明其意云爾

福建通志卷一

欽定四庫全書

福建通志卷二

建置沿革

帝王體國經野辨方正位畫九州而弼五服流傳
既遠而建置沿革之名立焉故斬萊闢治謂之建
因時分析謂之置襲舊宇而經緯之謂之沿懲其
弊變其規而更張之謂之革七閩地隸職方尚
矣秦屠睢始經畧稱閩中漢晉六朝遞有興廢自

唐迄元為郡為州為道為軍為路千百年來有隸者開者屬者陞者省者廢者復者分者名隨代異制以地移大抵拓地廣則易新名控制難而有裁併析入莫不通變宜民承偏救弊蓋觀於閩地之分合歷朝之升降而興衰治亂之故可鏡而知也

我

國家土宇曷章靈承式廓福寧州升為府永春龍巖縣陟為州至於東寧海外之鄉地不改闢民不改

聚亦建立彰化新邑與臺鳳諸羅而四幅員之廣
古無倫比經畫之善垂於萬年故并前代之升降
變易表而列之以資參考所謂正疆域固封守謹
王度者其在斯乎志建置沿革

福建省布政使司

禹貢淮海維揚州閩當海澨亦其地也禹東巡狩崩
於會稽後少康封庶子無餘于會稽守禹塚逮周成
王封熊繹于楚蠻姓芊氏居丹陽其五世孫熊渠得

衆心乃興兵伐庸揚粵至于鄂立其長子康為句亶
王中子絰為郢王少子執疵為越章王在楚蠻江上
之地按周禮職方氏辨邦國都鄙以及七閩九貉之
人鄭康成注曰閩蠻之別也熊渠之後叔熊自濮如
蠻後子孫分為七種故謂之七閩無餘既得會稽二
十傳為句踐又六世至無疆為楚所滅子孫播遷海
上七世至無諸無諸姓騶為閩越王秦并天下取百越置
閩中郡閩越王廢漢高帝五年復立之都冶孝惠三

年分東甌以封閩越君搖為東海王建元三年東甌
舉國徙江淮其地復屬閩越六年封無諸孫毋為繇
王又封餘善為東越王元鼎五年漢擊餘善元封元
年繇王居股殺餘善以降武帝封居股東成侯遷閩
越民江淮間虛其地其逃亡者自立為冶縣後漢置
侯官都尉屬會稽南部建安初始有侯官即今福興
泉漳四府
建安今建
寧府南平今延
平府漢興今浦
城縣等五縣其一史
闕書孫氏
稱帝仍屬南部永安三年分南部為建安郡晉滅吳

分建安立晉安其屬建安者凡縣七

建安吳興東平建陽將樂邵武

延平屬晉安者凡縣八

原豐新羅宛平同安侯官羅江晉安溫麻

俱隸揚州

元康元年隸江州劉宋建安領縣六

吳興將樂邵武建陽綏城沙村

晉安領縣五

侯官原豐晉安羅江溫麻省新羅宛平同安三縣

改晉安為晉

平尋復晉安梁天監中析晉安郡地置南安郡

即今興化

泉州漳州等府地

普通六年晉安建安南安三郡俱屬東揚

州陳永定初升為閩州領三郡天嘉六年仍舊光大

元年復升為豐州隋開皇九年改為泉州廢建安南

安二郡屬焉大業初復為閩州三年改為建安郡領

閩建安南安龍溪四縣治閩縣唐武德元年改為建

州四年移建州於建安五年析南安為豐州六年析

閩縣為泉州八年置都督府治泉州領泉建豐三州

貞觀初廢豐州併入泉州

以上泉州
俱今福州

隸嶺南道嗣聖

三年析置漳州十六年又置武榮州景雲二年改泉

州為閩州都督府又改武榮州為泉州

今泉州
始此

并建

漳潮五州屬焉開元十三年改為福州都督府十九

年置泉州府兵二十一年置經畧使二十二年漳潮
歸嶺南領福泉建三州二十四年開福撫二州山峒

置汀州以屬天寶元年改隸江南東道

其治在蘇州

尋改

為長樂郡復領漳潮二州十載復以漳潮歸嶺南至
德二載置經畧軍寧海軍乾元元年改為都防禦使
兼寧海軍使復為福州都督府上元元年升節度使
領福泉建汀漳潮六州寶應元年温州來屬未幾遂
歸越州大歷六年罷節度使置都團練觀察處置使

於是始名福州曰福建元和間廢經畧寧海軍其後
王潮據有此土乾寧三年升為威武軍以王潮為節
度使五代梁開平三年封潮弟審知為閩王貞明六
年升為大都督府唐長興四年審知子延鈞偽建大
閩國僭號改元升為長樂府晉天福八年王延政僭
號於建州國號殷開運二年復稱閩王以福州為東
都領福泉建汀漳鏞鐔七州未幾為南唐所滅而泉
州散員指揮使留從効據泉漳二州南唐遂升泉州

為清源軍以從劾為節度使漢乾祐元年閩東都留
守李仁達舉國歸吳越錢氏南唐改鐔州為劍州周
廣順元年改福州為彰武軍宋建隆三年從劾卒泉
漳二州尋為其將陳洪進所奪乾德二年改清源軍
為平海軍以洪進為節度使太平興國三年洪進及
錢氏俱納土復為威武軍領福泉建汀漳劍六州省
鏞州析建州邵武縣置邵武軍屬兩浙西南路四年
析泉州游洋鎮置興化軍雍熙二年改為福建路景

德三年置安撫使以福州守臣兼領嘉祐四年帶鈐
轄大觀元年升為帥府四年罷建炎三年復升為帥
府景炎元年端宗即位於福州升為福安府元至元
十四年置福建廣東道提刑按察司十五年置福建
行中書省十六年改置宣慰使司俱治福州二十年
復置行中書省二十二年改置宣慰使司併入江西
行省二十三年復罷宣慰使司置行中書省如故二
十四年改為行尚書省二十八年改置宣慰使司併

入江西行省改福建廣東道提刑按察司為福建閩海道肅政廉訪司二十九年復置行中書省大德元年立福建平海行中書省徙治泉州三年改置宣慰使司都元帥府仍徙治福州至正十六年復改置行中書省二十六年置福建行樞密院時天下大亂福建諸路及廣東潮州俱為平章陳友定所據明李文忠湯和先後平其地洪武元年置提刑按察司二年置福建行中書省以福汀漳泉建寧邵武興化延平

八府隸之改福清州曰福清縣福寧州曰福寧縣九年以中外並稱中書失尊改行中書省為承宣布政使司成化九年升福州府之福寧縣為州直隸布政司

國朝因之府八曰福州興化泉州漳州延平建寧邵武汀州康熙二十三年增置臺灣府雍正十二年陞福寧州為福寧府領府十州二永春龍巖俱隸福建省布政使司

福州府本秦閩中郡漢初閩越王都此

即今越王山南布政司北是也

建安初為侯官縣吳永安三年屬建安郡增置東安

縣晉太康三年升為晉安郡遷治今城領原豐

即今閩縣

長樂懷安
福清縣地

新羅

即今上杭長汀
武平龍巖等處

宛平

未詳

同安

即今同安縣

侯官

即今侯官古田閩
清永福福安縣地

羅江

未詳

晉安

改東安為晉安
即今晉江惠安

莆田仙遊縣地

溫麻

即今連江
福寧府地

八縣宋泰始四年改為晉平

郡領縣五

者新羅宛平
同安三縣

尋復故梁天監中析晉安縣

為南安郡陳永定初為閩州刺史治所後改豐州隋

改泉州大業初復為閩州尋改為建安郡治閩縣即舊

原豐

領閩建安

即今建寧府

南安

即今南安縣

龍溪

即今漳州府

四

縣

隋平陳廢南安郡新羅等六縣俱省

唐武德初改為建州六年為泉

州領閩侯官長樂連江長溪

長溪即今福寧州并福安縣地

五縣

析建

安屬建州析龍溪屬泉州析南安置豐州

嗣聖十六年領縣六

增置萬安

景雲

二年改為閩州開元十三年改為福州二十七年領

縣七

增置古田

二十九年領縣八

增置尤溪

天寶元年改為長

樂郡

改萬安為福安

永泰中領縣九

析侯官尤溪地增置永泰

五代梁乾

化元年領縣十

以梅溪場增置閩清縣

唐長興四年偽閩升為

長樂府領縣十三

改福唐為福清以羅源場為永貞縣感德場為寧德縣歸化場為德

化

晉開運二年偽閩以為東都漢乾祐元年歸吳越

領縣十一

析尤溪歸劍州析德化歸泉州

周廣順元年為彰武軍宋

初復為福州領縣十二

增置懷安天禧五年改永貞為永昌乾興元年改永昌為

羅源崇寧九年改永春為永福

淳祐中領縣十三

增置福安

景炎元年端

宗即位於此升為福安府元至元十五年改為福州

路領州二縣十一

至元二十三年升長溪為福寧州以寧德福安二縣屬之元貞二年

又升福
清為州

明洪武元年改為福州府屬福建布政司領

縣十三

洪武二年改福清
福寧二州仍為縣

成化九年領縣十

升福寧
為州隸

以福安
寧德

萬歷八年領縣九

省懷安
入侯官

國朝因之附郭曰閩侯官外七縣曰長樂福清連江羅源古田閩清永福雍正十二年析古田雙溪地方增

置屏南縣領縣十

福州府屬沿革表

總部

郡

直隸
州附

縣

唐虞揚州

夏商揚州

周七閩地

秦

漢閩越國

東漢會稽南部

三國吳會稽南部

閩中郡

建安郡

冶

侯官 建安 南平 漢興

一缺

侯官 東安

晉 揚州 江州 晉安郡

原豐 新羅 宛平 同安

南北朝

晉 平郡

原豐 侯官 羅江 晉安 溫麻

齊

晉 安郡

溫麻 轄同上

梁 東揚州

晉 安郡

原豐 侯官 羅江 溫麻

陳 閩州 豐州 晉安郡

轄同上

隋 泉州

閩 建安 南安 龍溪

閩州

轄同上

建安郡

轄同上

唐

泉州都督府

建州

泉州

閩

侯官

新寧
長樂

連江

長溪

嶺南道

泉州

轄同上

閩州都督府

閩州

閩

侯官

長樂

連江

長溪
萬安

福州都督府

福州

閩

侯官

長樂

連江

代梁	威武軍節度使	福建觀察使	福州節度使					
王氏據	長樂郡	長樂郡	長樂郡					
長樂郡	轄同上	轄同上	轄同上	永泰	長溪	福唐	古田	尤溪
閩					閩	侯官	長樂	連江
侯官								
長樂								
連江								

	晉				唐		
	王氏據				王氏據		
	東都				長樂府		
長溪	閩 長樂	德化	永泰	長溪	閩 長樂	閩清	長溪
福清	侯官		閩清	福清	閩興 侯官		福唐 永昌
古田	長樂 安昌		永貞	古田	侯官 長樂		古田
尤溪	連江		寧德	尤溪	連江		尤溪

	福建路	福州	閩清 永貞 寧德 懷安 閩 侯官 長樂 連江
			長溪 福清 古田 永泰 永福
			閩清 永昌 寧德 懷安 羅源
		福安	福安
	景炎元年端 宗即位於此	福安府	轄同上
元	福建行中書省	福州路	閩 侯官 長樂 連江 福寧州 福清州 古田

					明				
					福建布政使司				
					福州府				
	國朝								
	福建省布政使司								
	福州府								
連江	閩	福安	永福	閩清	閩	懷安	永福	閩清	寧德
羅源	侯官		福清	長樂	侯官	福安	閩清	羅源	
古田	長樂		福寧	連江	懷安		羅源		
屏南	福清		寧德	羅源	古田				

雍正十二年
年分置

閩清 永福

閩縣

附郭

本東漢侯官地晉太康中析置原豐縣屬晉安

郡隋開皇十二年改為閩縣五代唐長興四年偽閩

改為長樂縣清泰二年仍舊晉天福六年偽閩又改

為長樂明年復舊宋元及明皆為閩縣

國朝因之

侯官縣

附郭

本漢冶縣地建安初析置侯官縣三國吳永

安中屬建安郡晉太康中屬晉安郡隋省入閩縣唐

武德六年更置於州西北江滸

今侯官縣市去城三十里

貞觀五

年復省入閩縣嗣聖十九年析閩縣西十二鄉復置

貞元五年洪水漂沒觀察使鄭叔則奏移入城元和

二年復省入閩縣五年復置五代唐長興四年偽閩

改為閩興以長樂為侯官清泰二年復舊宋元迄明

皆為侯官

懷安廢縣本隋閩縣地宋太平興國六年郡守何允昭請析閩縣九鄉八千戶置縣

初治茅原江北咸平二年移石岳元至元間遷縣西

尋復舊明洪武十二年移今府治之北在古羅城永安門外萬歷八年巡撫龐尚鵬奏併入侯官

國朝因之

長樂縣本隋閩縣地唐武德六年析置新寧縣在今敦素里之平川尋改為長樂縣上元初防禦使董玠以地卑潦奏移吳航頭元和三年省入福唐縣五年復置五代唐長興四年偽閩以閩縣為長樂改長樂為侯官清泰二年復舊晉天福六年偽閩又改閩縣為長樂以長樂為安昌明年復舊宋元迄明皆為長樂國朝因之

福清縣本唐長樂縣地嗣聖十六年析其南八鄉置萬安縣天寶元年改為福唐五代梁開平二年偽閩改為永昌唐同光元年復為福唐長興四年始稱福清治永慶里晉天福間徙南臺吳越錢氏有閩屬兩浙宋太平興國三年徙今治屬太平軍尋復隸福州元元貞初升為州洪武二年仍為縣

國朝因之

連江縣本吳建安郡地晉太康三年析溫麻船屯置溫

麻縣屬晉安郡隋開皇中省入閩縣唐武德六年復置改名連江宋元明仍舊

國朝因之

羅源縣本閩連江二縣地唐大中元年觀察使韋岫以連江一鄉為羅源場咸通二年又分閩縣地以益之號永貞鎮五代唐長興四年偽閩改鎮為縣宋天禧五年改為永昌乾興元年始改為羅源初治雙溪之間地旱潦慶曆八年知縣陳偁因土民倪昱陳智津

所請乃遷戴坑元明仍舊

國朝因之

古田縣本晉侯官縣山峒唐開元二十七年峒豪劉強等歸順都督李亞丘奏立古田縣於雙溪之滙屏山之南後又析侯官尤溪二縣地益之宋太平興國初轉運使楊克讓奏遷水口端拱元年復舊治元明仍舊

國朝因之

屏南縣本唐古田縣雙溪地

國朝雍正十二年福建總督郝玉麟奏立屏南縣

閩清縣本漢侯官縣地唐貞元中觀察使王翺析侯官縣北十里置梅溪場五代梁乾化初偽閩升為閩清縣宋元明仍舊

國朝因之

永福縣本侯官尤溪二縣地唐永泰二年節度使李承昭各析一鄉置縣即以永泰名宋崇寧九年改為永

福元明仍舊

國朝因之

興化府梁天監中析晉安置南安郡地屬南安陳天嘉
五年陳寶應據建安晉安二郡章昭達敗之逃至莆
口其地始見載籍隋開皇九年始析南安縣地置莆

田縣屬泉州

今福州

尋復廢入南安縣唐武德五年復

置莆田縣屬豐州嗣聖十六年析莆田縣地增置清
源縣並屬武榮州尋廢縣還隸泉州十七年復故

景雲二年改泉州為閩州而以武榮州為泉州

今泉州

天寶元年升泉州為清源郡改清源縣為仙遊縣乾元元年復改泉州光啟二年為王氏所據後遂屬閩又屬留從効又屬陳洪進宋太平興國四年析泉州游洋鎮置太平軍尋改興化軍復析泉州之莆田仙遊及福州之永福福清地合游洋百丈鎮六里置興化縣是為軍治所五年始以莆田仙遊來屬領縣三八年轉運使楊克讓請移治於莆田宋末改為興安

州元至元十四年改為興化路隸福建行中書省縣

仍舊

皇慶二年遷興化縣於廣業湖溪為興化新縣

明洪武元年改為興化

府屬福建布政使司領縣如故正統十三年領縣二

省興化縣以其地分隸莆田仙遊

國朝因之附郭曰莆田外一縣曰仙遊

興化府屬沿革表

總部

郡
直隸州附

縣

唐雲揚州

夏商揚州

周 七閩地

秦

閩中郡

漢 閩越國

東漢 會稽南部

三國 吳會稽南部 建安郡

晉 揚州 江州 晉安郡

南北朝

晉平郡

閩州都督府泉州

轄同上

福州都督府泉州

轄同上

江南東道

長樂郡

清源郡

莆田 仙遊

福州節度使泉州

轄同上

福建觀察使泉州

轄同上

威武軍節度使泉州

轄同上

五代

梁 王氏據

泉州

轄同上

唐 王氏據

泉州

轄同上

晉

王氏據開運二年南唐有其地

泉州

轄同上

漢

南唐據

清源軍

轄同上

周

南唐據

清源軍

轄同上

宋

威武軍節度使 太平軍 興化軍 興化 福清 莆田 仙遊

福建路

興化軍

興化 莆田 仙遊

興安州

轄同上

元

福建行中書省 興化路

莆田 仙遊 興化

明

福建布政使司 興化府

莆田 仙遊 興化

國朝 福建省布政使司興化府

莆田 仙遊

莆田縣

附郭

本梁南安郡地隋開皇九年析置屬泉州尋

廢唐武德五年復置屬豐州宋太平興國五年始來
屬八年移軍治於此元明仍舊正統十三年省興化
縣分其地隸焉

國朝因之

仙遊縣本隋莆田縣地唐嗣聖十六年析置清源縣屬
武榮州天寶元年州改為清源郡以縣與郡同名不

便且因有何氏九仙更名仙遊宋太平興國五年始
來屬元明仍舊正統十三年省興化縣分其地隸焉
國朝因之

泉州府漢建安初為侯官縣地晉太康三年屬晉安郡
梁天監中始析晉安縣為南安郡置龍溪縣屬焉治
晉安陳永定初屬閩州後屬豐州隋開皇九年郡廢
改晉安縣曰南安復析置莆田縣皆屬泉州尋復省
莆田縣大業初屬閩州尋屬建安郡唐武德初屬建

州五年析為豐州領南安莆田二縣

龍溪一縣缺
舊志恐誤

八

年隸泉州都督府貞觀初州廢併入泉州嗣聖十六

年析泉州之南安莆田龍溪置武榮州治南安領縣

四

析莆田置清源縣
後改為仙遊縣

州尋廢縣還隸泉州

以上泉州
皆今福州

十七年復置景雲二年改為泉州

今泉州
始此

屬閩州都

督府開元八年領縣五

析南
安地
置晉江

治晉江十三年屬

福州都督府二十九年領縣四

析龍
溪
屬漳州

天寶元年屬

長樂郡復改為清源郡乾元元年仍為泉州上元元

年屬福州節度使大歷六年隸福州都團練觀察處

置使光啟二年為王潮所據乾寧三年屬威武軍後

遂屬閩五代時增置同安

五代唐以唐大同場置

德化

閩以唐歸德場

置永春

閩以隋桃林場置桃源縣後改永春

清溪

南唐以唐小溪場置

長泰

南唐以唐

武安場置

凡縣九晉開運二年南唐滅閩取其地既而留

從劾據之乾祐二年南唐升為清源軍從劾卒復為

陳洪進所奪宋乾德二年改為平海軍太平興國三

年洪進納土復為州屬威武軍

五代周廣順元年嘗改威武軍為彰武軍

時泉州為留從効所據至是陳洪進納上遂復舊而泉州屬焉

五年領縣六

以莆田仙遊屬

興化軍以長泰屬漳州

六年領縣七

析晉江置惠安

雍熙二年屬福建

路宣和三年改清溪為安溪元至元十五年改為泉

州路隸福建行中書省大德二年改為泉寧府至正

十八年立泉州分省明洪武元年改為泉州府屬福

建布政使司領縣如故

國朝因之附郭曰晉江外六縣曰南安惠安同安安溪

永春德化雍正十二年陞永春縣為永春州德化隸

焉

泉州府屬沿革表

總部

郡

直隸
州附

縣

唐虞揚州

夏商揚州

周七閩地

秦

閩中郡

漢

閩越國

東漢會稽南部

三國吳會稽南部

建安郡

東安

晉揚州江州

晉安郡

晉安同安

南北朝

晉平郡

晉安

齊

晉安郡

梁東揚州

南安郡

晉安龍溪

陳閩州豐州南安郡

隋泉州

南安龍溪莆田

福州節度使泉州

轄同上

福建觀察使泉州

轄同上

威武軍節度使泉州

轄同上

五代梁王氏據

泉州

轄同上

唐王氏據

泉州

南安 莆田 仙遊 晉江

晉

王氏據開運二年尚唐有其地

泉州

同安 永春 長泰

南安 莆田 仙遊 晉江

			永春 安溪 惠安
元	福建行中書省	泉州路	南安 晉江 同安 德化
		泉寧府	永春 安溪 惠安
明	福建布政使司	泉州府	轄同上
			晉江 南安 惠安 安溪
			德化 同安 永春
國朝	福建省布政使司	泉州府	晉江 南安 惠安 同安
			安溪 永春

雍正十二年
陞為直隸州

德化

雍正十二年割隸永春州管轄

晉江縣

附邦

本晉晉安縣地屬晉安郡隋省入南安縣屬

建安郡唐開元八年析置晉江縣為泉州治所宋元明仍舊

國朝因之

南安縣本漢侯官縣地吳析置東安縣晉改曰晉安屬晉安郡梁為南安郡治所隋廢郡改為縣曰南安屬建安郡唐武德初屬建州五年置豐州於此貞觀初

州廢屬泉州嗣聖十六年為武榮州治所州尋廢仍

屬泉州尋復為武榮州景雲二年改武榮州為泉州

今泉州南安屬焉宋元明仍舊

國朝因之

惠安縣本唐晉江縣地宋太平興國六年析置惠安縣

屬泉州元明仍舊

國朝因之

同安縣本漢侯官縣地晉太康三年析置同安縣屬晉

安郡尋省入晉安縣隋為南安縣地唐貞元十九年
析南安四鄉置大同場五代唐天成四年偽閩升為
同安縣屬泉州宋元明仍舊

國朝因之

安溪縣本隋南安縣地唐咸通中析置小溪場五代周
顯德二年南唐始立為清溪縣屬泉州宋宣和三年
改為安溪縣元明仍舊

國朝因之

漳州府梁天監中屬南安郡地大同四年以有九龍戲
於北溪之祥置龍溪縣隋開皇九年郡廢屬泉州唐
嗣聖三年寇陳謙等連結諸蠻攻潮州左玉鈐衛翼
府左郎將陳元光討平之請於泉潮間建一州以抗
嶺表遂析福州西南境置漳州并於其地置漳浦縣
屬焉開元四年徙治李灣川即今漳浦縣二十二年改隸
嶺南經畧使二十八年析漳浦縣置懷恩縣領縣二
二十九年省懷恩入漳浦而以泉之龍溪來屬天寶

元年改州為漳浦郡遷隸福建十年又改隸嶺南乾
元二年復為漳州上元元年又還隸福建大歷十二
年割汀之龍巖來屬領縣三貞元二年從觀察使盧
碁之請徙治龍溪光啟元年光州刺史王緒渡江陷
汀漳二州尋為王潮所奪其弟雷知繼而有之五代
晉開運中朱文進擅命以程贇為刺史既而留從劾

殺贇遂據漳泉二州尋改漳州為南州

南唐刺史董
思安以其父

名章
故改

宋建隆三年從劾卒陳洪進有其地始奉宋正

朔乾德四年復為漳州太平興國三年洪進納土屬
威武軍五年以泉之長泰來屬領縣四雍熙二年屬
福建路元至元十五年改為漳州路隸福建行中書
省至治中析龍溪漳浦龍巖三縣地置南勝縣領縣
五至正十六年改南勝為南靖明洪武元年改漳州
路為府屬福建布政使司領縣如故成化四年析龍
巖地置漳平領縣六正德十二年析南靖地置平和
領縣七嘉靖九年析漳浦地置詔安領縣八四十四

年析龍巖及延平府大田永安地置寧洋領縣九隆
慶元年析龍溪漳浦地置海澄領縣十

國朝因之

附郭

曰龍溪外九縣曰漳浦海澄南靖長泰龍
巖漳平平和詔安寧洋雍正十二年陞龍巖縣為龍

巖州漳平寧洋隸焉

漳州府屬沿革表

總部

郡

直隸
州附

縣

唐虞揚州

夏商揚州

周 七閩地

秦

閩中郡

漢 閩越國

東漢 會稽南部

三國 吳 會稽南部 建安郡

晉 揚州 江州 晉安郡

南北朝

晉 平郡

齊

晉安郡

梁

東揚州

南安郡

龍溪

陳

閩州

豐州

南安郡

龍溪

隋

泉州

龍溪

閩州

建安郡

唐

嶺南道

漳州

漳浦

懷恩

龍溪

福建

漳浦郡

漳州

龍溪

漳浦

龍巖

五代 梁 王氏據

漳州

轄同上

唐 王氏據

漳州

轄同上

晉

王氏據開運二年南唐有其地

漳州

南州

轄同上

漢

南唐據

南州

轄同上

周

南唐據

南州

轄同上

宋

威武軍節度使漳州

龍溪

漳浦

龍巖

長泰

福建路

漳州

轄同上

元

福建行中書省漳州路

龍溪

漳浦

龍巖

長泰

明

福建布政使司 漳州府

南勝
南靖

龍溪 漳浦 龍巖 長泰

南靖 漳平 平和 詔安

寧洋 海澄

龍溪 漳浦 海澄 南靖

國朝 福建省布政使司 漳州府

長泰 龍巖 雍正十二年
陞為直隸州

漳平 雍正十二年割
隸龍巖州管轄 平和

詔安 寧洋 雍正十二年割
隸龍巖州管轄

龍溪縣

附部

本梁南安郡地天監中析置陳光大元年屬

豐州隋開皇九年屬泉州唐嗣聖十六年屬武榮州

州尋廢縣還屬泉州十七年復置武榮州景雲二年

改武榮州為泉州

今泉州

縣仍屬焉開元二十九年始

以來屬貞元二年徙州治於此宋元明仍舊

國朝因之

漳浦縣本梁龍溪縣地唐嗣聖三年與州並置原附郭
開元四年州民余共訥等以地多瘴請徙州治李灣

川縣從之二十八年析置懷恩縣明年復省入漳浦
貞元二年徙州治於龍溪始為外縣宋元明仍舊

國朝因之

海澄縣本龍溪縣地舊名月港明嘉靖間邊海多寇四
十三年土人聽選官李英陳鑾具奏設縣次年知府
唐九德議割龍溪漳浦地就於月港橋頭立為縣治
名海澄

國朝因之

南靖縣本龍溪潭浦龍巖三縣地元至治中析置南勝
縣在九圍砦山之東至元三年徙治於小溪瑄山之
陽至正十六年縣尹韓景晦以其地僻多瘴又徙雙
溪北改為南靖明仍舊

國朝因之

長泰縣本隋泉州南安縣武德鄉地唐乾符三年置武
德場文德元年改為武勝尋改武安五代晉天福八
年升為長泰縣宋太平興國五年邑人楊海等以其

地去泉州三百餘里期會徵輸不便請於泉守林金
吾改隸漳州元明仍舊

國朝因之

平和縣本南靖縣地明正德間象湖等處山寇為亂提
督軍門王守仁討平之從諸生吳浩然鄉民曾敦立
等之請於河頭大洋陂地方開設縣治割南靖縣清
寧新安二里以益之名平和

國朝因之

詔安縣本漳浦縣南詔地宋為臨水驛元至正間右丞
羅良命屯官陳君用城之明嘉靖八年鄉民許仲遠
等請設縣明年割漳浦二三四五都為縣名詔安

國朝因之

延平府漢建安初分侯官之北鄉置南平縣

即今府治

屬會

稽南部三國吳永安三年屬建安郡東晉太元四年

改為延平縣宋明帝時廢隋開皇間郡亦廢屬泉州

大業初屬閩州尋復屬建安郡唐武德元年屬建州

三年置延平軍仍屬建州上元元年改為劔州五代
時王審知改為延平鎮其子延翰改為永平鎮延政
僭位於建州改為龍津縣尋置鐔州晉開運二年南
唐兵拔鐔州復以為延平軍制置鎮明年改為劔州
領延平劔浦即舊龍津富沙未詳三縣漢乾祐元年南唐復
以福之尤溪汀之沙縣來屬升永順場為順昌縣領
縣六宋太平興國四年因利州路亦有劔州別名曰
南劔州而以建州之將樂來屬省延平富沙二縣領

縣五雍正二年隸福建路元至元十五年改為南劍路大德六年改為延平路隸福建行中書省改劍浦縣為南平明洪武元年改延平路為府屬福建布政使司仍領縣五景泰二年析沙尤二縣地增置永安領縣六嘉靖十四年析尤溪增置大田領縣七

國朝因之附郭曰南平外六縣曰順昌將樂沙縣尤溪永安大田雍正十二年割大田縣隸永春州管轄延平府屬沿革表

總部

郡 直隸
州附

縣

唐虞揚州

夏商揚州

周 七閩地

秦

閩中郡

漢 閩越國

東漢會稽南部

南平

三國 吳會稽南部

建安郡

南平 將樂

晉	江州	建安郡	南平 延平
南朝 梁	江州	建安郡	將樂 沙村
齊		建安郡	轄同上
梁	東揚州	建安郡	轄同上
陳	閩州	豐州建安郡	轄同上
隋			
唐	泉州都督府	建州延平軍	將樂 沙
	嶺南道	延平軍	轄同上

閩州都督府延平軍

轄同上

江南東道延平軍

轄同上

福州都督府延平軍

轄同上

福州節度使劍州

轄同上

福建觀察使劍州

將樂

^{五代}梁王氏據延平

唐王氏據永平鎮

晉王氏據鐔州

龍津

開運二年南唐有其地

延平軍 劍州 延平 劍浦 富沙

漢 南唐據

劍州 延平 劍浦 富沙 尤溪

沙 順昌

周 南唐據 劍州

轄同上

宋 威武軍節度使南劍州

劍浦 尤溪 沙 順昌

將樂

福建路 南劍州

轄同上

元 福建行中書省南劍路

南平 尤溪 沙 順昌

將樂

明 福建布政使司延平府

南平 尤溪 沙 順昌

將樂 永安 大田

國朝 福建省布政使司延平府

南平 順昌 將樂 沙

尤溪 永安 大田

雍正十年
割隸永泰州

南平縣 附郭 本漢侯官地建安初置南平縣屬建安郡晉

太元中改為延平縣劉宋明帝時廢五代時偽閩改

為延平鎮尋改為永平鎮又改為龍津縣置鐔州於

此晉開運二年南唐改為劔浦宋仍之元大德間復為南平明仍舊

國朝因之

順昌縣本漢建安地唐貞觀三年以其東南二鄉置將水場嗣聖四年分南鄉將水口為蠲科鎮景福二年改為將水鎮尋改為永順場隸建州五代漢乾祐元年南唐始置順昌縣隸劔州宋熙寧三年以縣境褊小割劔浦縣交溪鄉益之元明仍舊

國朝因之

將樂縣本漢建安地吳永安三年始析建安之校鄉置
將樂縣屬建安郡隋開皇十二年併入邵武隸撫州
唐武德五年復置七年省嗣聖五年析邵武及綏城
縣地復置仍隸撫州元和三年省五年復置屬建州
五代晉開運二年偽閩升為鏞州南唐復為縣仍屬
建州宋太平興國四年始來屬元明仍舊

國朝因之

沙縣本漢南平縣地晉太平四年析其南鄉置沙戍劉
宋元嘉中始置沙村縣隋改為沙縣尋廢唐武德四
年復置屬建州後省入建安縣永徽六年復置大歷
十二年改隸汀州五代漢乾祐元年南唐始以來屬
宋元明仍舊

國朝因之

尤溪縣本晉延平縣山洞唐開元二十二年經畧使唐
修忠招諭其酋長高伏來歸二十九年始開拓置尤

溪縣屬福州五代時南唐滅閩以為制置鎮又二年
割隸劍州宋元明仍舊

國朝因之

永安縣本沙尤二縣地明正統十四年沙尤寇鄧茂七
平都督范雄侍郎薛希璉巡按陳員韜以其地險遠
難馭奏請置縣景泰三年始析沙縣新嶺以南尤溪
縣寶山以西地置永安縣

國朝因之

建寧府漢以前為冶縣地建安初分侯官之北鄉置建

安南平漢興三縣為會稽南部孫策取會稽遣賀齊

領南部都尉平其地八年遂以為建安南部治所十

年析建安之桐鄉置建平縣三國吳永安三年改為

建安郡領建安建平吳興東平

未詳

將樂昭武綏安南

平侯官東安十縣晉太康三年析侯官東安置晉安

郡元康元年屬江州宋元嘉中領縣七

省南平東平二縣析南平

地置沙村縣

陳永定初屬閩州後屬豐州隋開皇九年郡

廢為縣屬泉州大業初屬閩州尋還屬建安郡唐武

德初屬建州四年移治建安復置唐興建陽將樂綏

城閩建安六縣六年析閩縣置泉州

泉州俱今福州

七年邵

武來屬領縣七八年省建陽入建安領縣六屬泉州

都督府貞觀三年省綏城入邵武領縣四

領縣四疑誤查舊志

弘治志閩書府志皆如此仍之

永徽六年復置沙縣領縣五嗣聖五

年復置建陽領縣六景雲二年屬閩州都督府天寶

元年隸長樂郡復改為建安郡隸江南東道改唐興

縣為浦城乾元元年復為建州隸福州都督府上元
元年屬福建節度使大厯六年隸福州都團練觀察
處置使十二年析沙縣屬汀州領縣五乾符五年州
治為王巢所燬中和四年觀察使陳巖表熊博為刺
史寓治建陽巖卒徐歸範據州叛以應王潮博遇害
郡為潮所有五代晉天福六年偽閩改為鎮安軍王
延政又改為鎮武軍八年延政建國僭號於此未幾
南唐滅之改為永安軍尋改忠義軍升歸化場為歸

化縣永安塲為建寧縣松源鎮為松源縣領縣八宋

開寶八年南唐平復以其地為州改松源為松溪太

平興國三年屬威武軍

府志屬兩浙西南路

五年析將樂歸南

劍州升邵武為軍而以歸化建寧二縣屬焉領縣四

雍熙二年隸福建路端拱元年升為建寧軍淳化五

年升崇安塲為縣領縣五咸平三年升闕隸鎮為縣

領縣六治平三年置甌寧縣領縣七熙寧三年省甌

寧元祐四年復置政和五年改闕隸縣為政和紹興

二十二年以孝宗舊邸升為建寧府元至元十五年
改為建寧路隸福建行中書省明洪武元年復為建
寧府隸福建布政使司景泰六年置壽寧縣領縣八
國朝因之附郭曰建安甌寧外六縣曰建陽崇安浦城
松溪政和壽寧雍正十二年割壽寧縣隸福寧府管
轄

建寧府屬沿革表

總部

郡

直隸
州附

縣

唐虞揚州

夏商揚州

周 七閩地

秦

閩中郡

漢 閩越國

東漢會稽南部

建安 南平 漢興 建平

三國 吳會稽南部

建安郡

建安 南平 吳興 建平

東平 將樂 昭武 綏安

			侯官 東安
晉 江州	建安郡	建安 吳興 將樂 <small>邵武 邵陽</small>	
<small>南</small> 江州 <small>北</small> 朝 宋 江州	建安郡	建安 吳興 將樂 邵武	
齊	建安郡	綏城 建陽 沙村	
梁 東揚州	建安郡	轄同上	
陳 闔州 豐州 建安郡	建安郡	轄同上	

隋

泉州

建安

閩州

建安郡

唐

泉州都督府建州

建安 唐興 建陽 將樂

綏城 閩 邵武

嶺南道

建州

建安 唐興 將樂 邵武

閩州都督府建州

建安 武寧 武德 唐興 將樂 邵武

沙 建陽

江南東道

長樂郡

建安郡

建安浦城

將樂

邵武

沙 建陽

福州都督府建州

轄同上

福州節度使建州

轄同上

福建觀察使建州

建安 浦城 將樂 邵武

建陽

五代 梁王氏據

建州

轄同上

唐 王氏據

建州

轄同上

晉 王氏據

鎮安軍 鎮武軍 建安 浦城

鎮州 將樂 邵武

建陽 建寧

開運二年南唐有其地

永安軍 忠義軍 建安 浦城 將樂 邵武

建陽 建寧

漢 南唐據 忠義軍

轄同上

周 南唐據 忠義軍

建安 浦城 將樂 邵武

建陽 歸化 建寧 松源

宋 威武軍節度使 建州

建安 浦城 建陽 松溪

福建路

建寧軍

建安

浦城

建陽

松溪

崇安

關隸
政和

甌寧

建寧府

建安

浦城

建陽
嘉禾

松溪

崇安

政和

甌寧

元

福建行中書省

建寧路

建安

浦城

建陽

松溪

崇安

政和

甌寧

明

福建布政使司

建寧府

建安

甌寧

建陽

崇安

浦城

松溪

政和

壽寧

國朝

福建省布政使司建寧府

建安 甌寧 建陽 崇安

浦城 松溪 政和 壽寧

雍正十二年
割隸福寧府

建安縣

附郭

本漢侯官地建安初析置兼轄今建陽甌寧

將樂泰寧諸縣地以置自建安故名歷代仍舊

國朝因之

甌寧縣

附郭

本建安縣地宋治平三年析置又析建陽浦

城二縣地以益之熙寧三年省元祐四年析建安縣

地之半復置而建陽浦城之地不與焉元明仍舊

國朝因之

建陽縣本建安縣地漢建安十年吳析建安縣之桐鄉
置建平縣晉太元中改為建陽縣隋開皇九年省入
建安唐武德四年復置八年又省入建安嗣聖五年
復置宋景定元年以縣產嘉禾改嘉禾縣元復名建
陽明仍舊

國朝因之

崇安縣本唐建陽縣地五代時偽閩析置溫嶺鎮南唐
改為崇安場宋淳化五年升為縣元明仍舊

國朝因之

浦城縣本漢侯官地建安初析置漢興縣吳永安三年
改吳興隋開皇九年省入建安縣唐武德四年復置
改名唐興嗣聖八年改為武寧天授中改為武德景
龍元年復改唐興天寶元年始改浦城宋元明仍舊

國朝因之

松溪縣本建安縣地五代時屬吳越偽閩有其地立為
松源鎮周廣順元年南唐升為松源縣宋開寶八年
改為松溪元明仍舊

國朝因之

政和縣本寧德縣地五代時偽閩析置闕隸鎮宋咸平
三年升為闕隸縣析建安五里以益之屬建寧軍政
和五年以年號改名政和縣元明仍舊

國朝因之

邵武府三國吳永安三年置建安郡立昭武鎮尋升為
縣又析建安校鄉西偏地置綏安縣皆屬焉晉元康
元年改昭武為邵武大寧元年改為邵陽義熙元年
改綏安為綏城宋永初元年復改邵陽為邵武隋開
皇九年縣廢屬泉州十二年以故邵武綏城二縣地
復置邵武縣屬撫州唐武德四年即建安縣地置建
州復析邵武縣置綏城縣以屬七年邵武縣亦屬貞
觀三年省綏城入邵武嗣聖五年析邵武及綏城地

置將樂縣五代晉天福初改邵武為昭武漢時南唐復改為邵武又升歸化場為歸化縣升永安場為建寧縣俱屬建州宋太平興國五年始置邵武軍割建州之歸化建寧二縣來屬治邵武縣六年析邵武之財演鎮置光澤縣領縣四

元祐元年改歸化為泰寧

屬福建路元

至元十三年改為邵武路隸福建行中書省明洪武元年改為邵武府屬福建布政使司領縣如舊

國朝因之附郭曰邵武外三縣曰光澤建寧泰寧

邵武府屬沿革表

總部

郡直隸州附

縣

唐虞揚州

夏商揚州

周七閩地

秦

閩中郡

漢閩越國

東漢會稽南部

三國 吳會稽南部

建安郡

昭武 綏安

晉 江州

建安郡

邵武 綏安
邵陽 綏城

南北朝宋 江州

建安郡

邵武 綏城

齊

建安郡

轄同上

梁 東揚州

建安郡

轄同上

陳 閩州 豐州 建安郡

轄同上

隋 泉州 撫州

邵武

唐 泉州都督府 建州

將樂 綏城 邵武

嶺南道

建州

將樂 邵武

閩州都督府建州

轄同上

江南東道

長樂郡建安郡轄同上

福州都督府建州

轄同上

福州節度使建州

轄同上

福建觀察使建州

轄同上

五代梁王氏據

建州

轄同上

唐王氏據

建州

轄同上

晉

王氏據閩運二年南唐有其地

建州

昭武 綏城 將樂 建寧

漢

南唐據

建州

邵武 綏城 將樂 建寧

周

南唐據

建州

邵武 綏城 將樂 建寧

宋

兩浙西南路邵武軍

邵武 建寧 歸化

福建路 邵武軍

邵武 建寧 歸化 泰寧 光澤

元

福建行中書省邵武路

邵武 泰寧 建寧 光澤

明

福建布政使司邵武府

轄同上

國朝

福建省布政使司邵武府

邵武 光澤 建寧 泰寧

邵武縣

附郭

本漢建安縣地三國吳始置昭武鎮永安三

年升為縣晉元康元年改名邵武尋改邵陽宋永初
元年復為邵武並屬建安郡隋開皇九年廢十二年
復置以綏城縣併入屬撫州唐武德四年復析置綏
城縣七年還屬建州貞觀三年省綏城入邵武五代
晉天福初偽閩仍名昭武後南唐復改邵武宋太平
興國三年置軍治於此元明仍舊

國朝因之

光澤縣本邵武縣光澤鸞鳳二鄉地唐置洋寧鎮五代周改為財演鎮並屬建州宋太平興國六年升為光澤縣屬邵武軍元明仍舊

國朝因之

建寧縣本晉綏城縣地唐貞觀中省入邵武縣乾符二年分為黃連鎮五年邑人陳巖以鎮兵禦黃巢表為義寧軍五代時南唐罷為永安鎮又改為永安場宋乾德元年南唐析置建寧縣屬建州太平興國五年

隸邵武軍元明仍舊

國朝因之

泰寧縣本晉綏城縣地屬建安郡隋開皇十二年併入邵武屬撫州唐武德四年復置綏城縣還屬建州貞觀三年省入邵武乾符二年寧海軍請析故綏城地為歸化黃連二鎮此為歸化鎮五代時南唐廢鎮為場周顯德五年升為歸化縣屬建州宋太平興國五年始以來屬元祐元年改為泰寧元明仍舊

國朝因之

汀州府晉太康三年置新羅縣

汀州始基於此

屬晉安郡宋齊

梁陳隋皆省唐開元二十四年始開福撫二州山峒

置汀州領長汀黃連龍巖三縣天寶元年改為臨汀

郡以黃連縣為寧化縣乾元元年復為汀州大曆十

二年析龍巖屬漳州以建州之沙縣來屬光啟元年

王緒陷汀漳二州尋為王潮所奪其弟審知繼而有

之乾寧三年隸威武軍五代晉開運二年地入南唐

析沙縣歸劔州領縣二宋太平興國三年復隸威武
軍雍熙二年隸福建路淳化五年升上杭武平二場
並為縣領縣四元符五年析長汀寧化地置清流縣
領縣五紹興三年以蓮城堡為縣領縣六元至元十
五年升為汀州路隸福建行中書省改蓮城為連城
明洪武元年改汀州路為府屬福建布政使司成化
六年以明溪鎮巡簡司置歸化縣領縣七十四年析
上杭地置永定縣領縣八

國朝因之附郭曰長汀外七縣曰寧化清流歸化連城

上杭武平永定

汀州府屬沿革表

總部

郡直隸州附

縣

唐虞揚州

夏商揚州

周七閩地

秦

閩中郡

漢 閩越國

東漢會稽南部

三國吳會稽南部 建安郡

晉 揚州 江州 晉安郡 新羅

南北朝宋

齊

梁

陳

隋

唐

福州都督府汀州

長汀黃連龍巖

江南東道臨汀郡

長汀寧化龍巖

福州節度使汀州

轄同上

福建觀察使汀州

長汀寧化沙

威武軍節度使汀州

轄同上

五代梁王氏據

汀州

轄同上

唐王氏據

汀州

轄同上

晉

王氏據開運二
年南唐有其地

汀州

長汀 寧化

漢

南唐據

汀州

轄同上

周

南唐據

汀州

轄同上

宋

威武軍節度使汀州

轄同上

福建路

汀州

長汀 寧化 上杭 武平

元

福建行中書省汀州路

長汀 寧化 上杭 武平

清流 連城

清流 連城

明

福建布政使司汀州府

長汀 寧化 上杭 武平

清流 連城 歸化 永定

國朝

福建省布政使司汀州府

長汀 寧化 清流 歸化

連城 上杭 武平 永定

長汀縣

附郭

本晉新羅地初屬晉安郡唐開元二十四年

於新羅故城東置長汀縣為汀州治所後遷東坊口

去今治北五里

大厯四年刺史陳劔遷白石鄉

即今治

宋元明

仍舊

國朝因之

寧化縣本晉綏城縣地唐乾封二年析置黃連鎮開元二十四年開山峒置汀州因升黃連鎮為縣以屬之天寶元年改為寧化宋元明仍舊

國朝因之

清流縣本長汀寧化二縣地舊有清流驛宋元符元年提刑王祖道請置縣紹定中廢元復置明仍舊

國朝因之

歸化縣本清流明溪鎮地明成化六年同知程熙以地
當將樂沙縣寧化清流之交民梗難治請於巡撫滕
昭奏析四縣地為歸化縣屬汀州府

國朝因之

連城縣本長汀地宋元符時置蓮城堡紹興三年攝汀
尉虞觀奏置縣治郡守鄭強復析長汀古田鄉六團
里益之元改蓮為連明仍舊

國朝因之

上杭縣本晉新羅地唐為龍巖地大歷四年刺史陳劒
析龍巖胡雷下保置上杭場五代周顯德元年南唐
徙上杭場於秬梓保宋淳化五年升場為縣割長汀
南境隸焉至道二年徙治鱉沙咸平二年徙語口市
天聖五年徙鍾寮場乾道三年縣令鄭稷奏遷來蘇
里即今元明仍舊

國朝因之

武平縣本晉新羅地唐置州後以本州西南地為南安

武平二鎮隸長汀五代時偽閩并南安為武平場南
唐為沙縣地屬劔州宋淳化五年升為縣析長汀西
南境益之屬汀州元明仍舊

國朝因之

永定縣本上杭地明成化十四年巡撫高明以其地險
民悍草寇屢竊發宜置縣鎮之遂奏請析置永定縣
屬汀州府

國朝因之

福寧府本漢侯官地晉太康三年析置溫麻縣屬晉安郡隋開皇九年縣廢屬泉州唐武德六年析溫麻廢縣地置長溪縣尋省入連江為寧遠鎮嗣聖十九年復置開元十三年屬福州開成中析縣地並古田縣地置感德場五代唐長興四年偽閩升為寧德縣宋淳祐五年析長溪之永樂鄉靈霍鄉置福安縣元至元二十三年升長溪縣為福寧州屬福州路領寧德福安二縣明洪武二年改州為縣屬福州成化九年

復為州直隸福建布政使司領縣二曰福安寧德

國朝雍正十二年福建總督郝玉麟奏升福寧州為福寧府增置附郭一縣曰霞浦割建寧府屬之壽寧縣隸焉并原轄之福安寧德領縣四

福寧府屬沿革表

總部

郡
直隸
州附

縣

唐虞揚州

夏商揚州

周 七閩地

秦

閩中郡

漢 閩越國

東漢 會稽南部

三國 吳 會稽南部 建安郡

晉 揚州 江州 晉安郡 溫麻

南北朝 宋 晉平郡 溫麻

齊 晉安郡 溫麻

梁 東揚州 晉安郡

溫麻

陳 閩州 豐州 晉安郡

溫麻

隋

唐 泉州都督府 泉州

長溪

福州都督府 福州

長溪

江南東道 長樂郡

福州節度使 長樂郡

長溪

福建觀察使 長樂郡

長溪

威武軍節度使長樂郡

長溪

五代 梁王氏據

長樂郡

長溪

唐 王氏據

長樂府

長溪 寧德

晉 王氏據

東都

轄同上

漢 錢氏據

東都

轄同上

周 錢氏據

彰武軍

轄同上

宋 威武軍節度使福州

長溪 寧德

福建路

福州

長溪 寧德 福安

元

福建行中書省福州路福寧州寧德 福安

明

福建布政使司福州府 福寧 寧德 福安

成化九年

福寧州 寧德 福安

國朝

福建省布政使司福寧府 霞浦 福安 寧德

霞浦縣附郭舊福寧州治

壽寧雍正十二年
割隸本府

國朝雍正十二年福建總督郝玉麟奏升福寧州為府

增置附郭一縣曰霞浦

福安縣本唐長溪縣地宋淳祐五年析置隸福州元至元二十三年隸福寧州明洪武二年改州為縣復屬福州成化九年福寧復為州縣仍屬焉

國朝因之

寧德縣本長溪古田二縣地唐開成中置感德場五代唐長興四年偽閩升為寧德縣宋隸福州元至元二十三年隸福寧州明洪武二年改州為縣復屬福州成化九年福寧復為州縣仍屬焉

國朝因之

壽寧縣本政和福安二縣地明景泰六年僉事沈訥以其地險遠不便徵輸請析置壽寧縣屬建寧府至國朝雍正十二年福建總督郝玉麟奏改福寧州為府以壽寧地近福寧割歸福寧管轄

臺灣府本古荒服地未隸中國版圖明永樂間中官鄭

和

府志作
王三保

舟下西洋三泊此地嘉靖四十二年流寇

林道乾擾亂濱海都督俞大猷征之追及澎湖道乾

遁入臺灣大猷知港道紆迴水淺舟膠不敢進逼留

偏師駐澎島時哨鹿耳門下尋道乾以臺非久居所

遂恣殺土番取膏血造舟自安平鎮二鯤身鯤身與名隙

間遁去占城占城屬廣南道乾既遁澎之駐師亦罷天啟

元年漢人顏思齊為東洋日本國甲螺甲螺即頭目之類引

倭屯聚於此鄭芝龍附之未幾荷蘭人舟遭風飄此

欲借片地暫為栖止後遂久假不歸日繁月熾尋與

倭約全與臺地每歲貢鹿皮三萬張倭乃以全臺歸

荷蘭崇禎八年荷蘭始築臺灣赤嵌二城

臺灣城即今安平鎮

赤嵌城即今紅毛樓名城而實非城

荷蘭又設市於臺灣城外漳泉之

商賈皆集焉

國朝順治六年甲螺郭懷一謀逐荷蘭事覺荷蘭戮之於赤嵌城十七年鄭芝龍子成功寇江南敗績退無所據乃與甲螺何斌謀進取臺地荷蘭與成功戰不利棄城遁成功入居之因改臺灣為安平鎮赤嵌為承天府總名東都設一府二縣府曰承天縣曰天興

萬年未幾成功死子經嗣立改東都為東寧二縣為
二州設安撫司三南北路澎湖各一康熙二十年經
死子克塽嗣二十二年福建總督姚啟聖用間謀陰
散其黨以傅為霖為內應垂成事泄為霖遇害啟聖
仰遵

廟算定策平臺靖海將軍施琅統帥舟師六月專征由
銅山直抵八罩灣取虎井桶盤嶼克之由是百靈效
順海不揚波軍士苦海水鹹海岸忽湧甘泉軍無渴

患一戰而澎湖平克塽震懼

天威納款歸誠

廷議設府一曰臺灣屬福建布政使司領縣三附郭曰
臺灣外二縣曰鳳山諸羅雍正元年又增一曰彰化
領縣四

臺灣府屬沿革表

總部

郡直隸州附

縣

明 外島

國朝

福建省布政使司臺灣府

臺灣 鳳山 諸羅 彰化

臺灣縣

附郭

本鄭氏天興萬年地

國朝康熙二十三年總置臺灣縣府治於此

鳳山縣本臺灣縣南界有山曰鳳山

國朝康熙二十三年分建縣治於此

諸羅縣本臺灣縣北界有山曰諸羅

國朝康熙二十三年分建縣治於此

彰化縣本諸羅縣之北地名半線

國朝雍正元年巡視臺灣御史吳達禮以諸羅為臺郡
北路延袤千里戶口日增田疇日闕請於縣北二百
八十里半線地方設立縣治奏入

俞允

欽定縣名曰彰化

永春州本隋南安縣之桃林場五代唐長興四年偽閩
升為桃源縣晉天福三年改為永春縣宋元明皆仍
舊屬泉州府至

國朝雍正十二年福建總督郝玉麟奏升為直隸州撥
泉屬德化縣暨延屬之大田縣隸焉

永春州屬沿革表

南北朝以前沿革具載
泉州府表內茲不複載

總部

郡

直隸
州附

縣

隋

閩州

南安

唐

泉州都督府豐州武榮州

南安

嶺南道

武榮州

閩州都督府泉州

福州都督府泉州

江南東道 長樂郡 清源郡

福州節度使泉州

福建觀察使泉州

威武軍節度使泉州

五代 梁 王氏據 泉州

唐 王氏據 泉州

晉 王氏據開運二年南唐有其地 泉州

桃源 長興四年偽閩升南安
桃林塢地為桃源縣

永春 天福三年改桃源為永春縣

漢

南唐據

清源軍

永春

周

南唐據

清源軍

永春

宋

威武軍節度使清源軍

永春

元

福建行中書省泉州路 泉寧府永春

明

福建布政使司 泉州府

永春

國朝

福建省布政使司 泉州府

永春

永春州

雍正五年
升為直隸州

德化 大田

俱雍正十二
年割隸本州

德化縣本唐長樂郡永泰縣地貞元中析歸義鄉為歸

德塲五代唐長興間偽閩升為德化縣屬長樂府漢
乾祐二年南唐改隸清源軍割今延平尤溪之常平
進城二鄉以益之宋初屬平海軍後屬泉州元明仍
舊至

國朝雍正十二年福建總督郝玉麟奏升永春縣為州
撥泉屬德化縣隸其管轄

大田縣本尤溪縣地明嘉靖十四年府判林元倫以其
地界延漳泉三府之交依山阻隘民多聚為盜請置

邑御史白賁奏割尤溪永安漳平德化四縣地凡四十圖置大田縣屬延平府至

國朝雍正十二年福建總督郝玉麟奏升永春縣為直隸州割延屬之大田縣隸其管轄

龍巖州本晉新羅縣苦草鎮地唐開元二十四年置汀州因升為龍巖縣以屬之大厯十二年改隸漳州宋元明皆仍舊至

國朝雍正十二年福建總督郝玉麟奏升為直隸州撥

漳屬漳平寧洋二縣隸焉

龍巖州屬沿革表

三國吳以前沿革俱載漳川府表內茲不復載

總部

郡直隸州附

縣

晉揚州江州晉安郡

新羅

南北朝宋

齊

梁

陳

隋	唐	五代	唐	晉	漢	周
	福建都督府汀州	梁王氏據	王氏據	王氏據開運二年南唐有其地	南唐據	南唐據
	汀州	漳州	漳州	漳州	南州	南州
	龍巖 <small>開元二十四年升新羅若草領地為龍岩縣屬汀州</small>	龍巖 <small>大歷十二年改隸漳州</small>	龍巖	龍巖	龍巖	龍巖

宋

威武軍節度使漳州

龍巖

福建路

漳州

龍巖

元

福建行中書省漳州路

龍巖

明

福建布政使司漳州府

龍巖

國朝

福建省布政使司漳州府

龍巖

龍巖州

雍正十年
升為直隸州

漳平

寧洋

俱雍正十二
年割隸本州


漳平縣本龍巖縣地明成化三年縣民林廷琥等言居仁聚賢感化和睦永福五里險遠難制請別置縣巡

撫滕昭奏聞明年析置漳平縣至

國朝雍正十二年福建總督郝玉麟奏升龍巖縣為直隸州撥漳屬漳平縣隸其管轄

寧洋縣本龍巖縣集賢里東西洋巡檢司地明嘉靖四十一年土賊廖選蘇阿普等煽亂四十四年御史陳萬言軍門汪道昆吳百朋都督戚繼光等勦平之乃奏革巡檢司割龍巖集賢里五圖并大田永安二縣地置寧洋縣至

國朝雍正十二年福建總督郝玉麟奏升龍巖縣為直隸州撥漳屬寧洋縣隸其管轄



福建通志卷二